

叢書集成新編 第六〇冊目錄

文學類

詩文別集—唐

李衛公會昌一品集(一)別集十

卷、外集四卷、補遺一卷

唐 李德裕撰

畿輔 一

麟角集一卷附附錄

唐 王 榮著

天壤 三二

莆陽黃御史集一卷附別錄、

附錄

唐 黃 滔著

天壤 四六

桂苑筆耕集二十卷

唐 崔致遠著

海山 九一

詩文別集—宋

南陽集六卷附拾遺

宋 趙 湘撰

聚珍 一四五

元憲集三十六卷

宋 宋 庠撰

聚珍 一六二

景文集六十二卷附四庫提要

宋 宋 祁撰

聚珍 二六〇

文恭集四十卷

宋 胡 宿撰


聚珍 五三一

周濂溪集十三卷

宋 周敦頤撰

正誼 六五三





集品一昌會公衛李
遺補集外集別
(二)

李德裕撰

李衛公會昌一品集別集卷一

黃治賦并序 成都作

蜀道有青城峩眉山皆隱倫所託辛亥歲有以鑄金術干余者竊歎劉向累世懿德為漢儒宗其所述作根於聖道猶愛信鴻寶幾嬰時戮况流俗之士能無惑於此乎因作賦以正之

漢武帝遭世承平百蠻以備自謂德成堯禹功高湯武聞升龍於鼎湖乃甘心於斯語有方士李少君謫詐不誕乘邪進取盛稱化丹砂為黃金可以登青霄而輕舉時董大夫侍側帝曰子知其術乎仲舒進曰臣惟聞天地變化聖人鑄範方士之言臣以為詭至如圓方為鑑造化為治鼓風為聚熾陽為火元黃之氣細細和粹稟而生者為仁為智是以生寶實繁終古不匱天地之銘範鼓鑄也如是及夫堯舜之化大道為鍾中和為治聲教為囊文明為火以法天為造以得賢為寶是以得其鴻名後天難老至於仲尼無位大莫能致猶歸顏與冉底於極智聖人之銘鑄也取類原注一本有天地字若乃不務德業營信秘錄祈年永久以極嗜欲斯則不由於正道無益於景福帝曰善乃罷方士而去之故得漢道隆盛令名不虧

畫桐花風扇賦并序 成都作

成都夾岷江磯岸多植紫桐每至暮春有靈禽五色小於元鳥來集桐花以飲朝露及華落則煙飛雨散不知其所往有名工繪於素扇以資穉子余因作小賦書於扇上

李衛公會昌一品集 別集卷一

一七一

李衛公會昌一品集 別集卷一

一七二

杳始華兮綠江曙紫鮮葩兮法朝露樹燈燈兮霞舒鳥爛爛兮星布彼嘉桐兮貞且猶當暮春兮發英蕤豈獨難之珍族又棲託乎瓊枝被零露兮甘且白涵曉月兮灑鮮澤豈青鳥之靈儔常飲吮乎玉液有嘉穀而不啄有壽松而不過獨美露而愛桐非人間之羽翮遽花著而春歸忽雨散而川寂悵丹穴之何遠想瑤池而已隔爰有妙工圖其麗容宛宛兮若餐珠於芳蕊飄飄兮疑振羽於光風感班姬之素扇空皎潔兮如霞亦有美人增華點絢雀伺蟬而輕驚原注南朝書局尤重蟬雀女乘驚而微眄未若繪斯禽於珍筆動涼風於羅扇非欲發長袂之清香掩高歌之孤嘯庶玉女之提攜列崑崙之瑤宴乃為歌曰青春晚兮芳節闌敷紫華兮蔭碧淵美斯鳥兮類鸞鷟具體微兮容色丹彼飛翔於霄漢此藻繪於冰紈雖清秋之已至常愛玩而忘餐

通犀帶賦并序 再至江南作

客有以通犀帶示予者嘉其珍物古人未有詞賦因抒此作蓋盡其美焉

君子以良玉比德豈不以溫潤而近人惟駭鷄之至寶亦含章而可珍包黃中之粹色發奇彩之彬彬芝草繞葩而獵獵煙霞異狀而輪囷雖復孕元兔於月魄隱青鸞於鏡塵顧霄漢之悠遠恨工人之弗真匠者以其靈可禦邪光能遠燭翳截本末發揮藻緞砥若礪金割如切玉折以為帶加之盛服御之則耐一作附身之則體體似達人之卷舒不專玩乎掌握矧乎白璧雖美尚不掩瑕何茲物之無玷豈待瑩而增華溫兮如玉氣舒虹兮若晨光燦霞披廓落之繁飾諒無足以稱嗟若乃名山岑寂珍圖謫詭柳谷則麟馬突然扶風則魚龍隱起徒有象而無施故雖奇而莫擬然則美服珍玩近於禍機虞公滅而垂棘返壯武殘而龍劍飛先哲所以聞象則服防患則微經候委珮而去宣子辭環以歸

鼓吹賦并序 再至江南作

鼓吹本軒皇因出師而作前代將相有功則假之今藩閫皆備此樂余往歲剖符金陵有童子六七人皆於此藝特妙每曲宴奏之及再至江南並逾弱冠悲流年之倏忽憶前歡而悽愴乃為此賦追昔與會之年思為衛霍之將懷瀚海而發憤想狼居而在望厭桑濮之遺音感簫鼓之悲壯每聞茲樂心焉猶向爰有振策原注出西京賦類秀含聰思慮未敢專和發中繁會曲折變態不窮交遞燦電揮手成風或累發而碎響或徐弁而從容管孤引以嘒嘒鼓輕投而逢逢若乃清景妍和嘉客來萃登高臺而互動對芳樹而並吹見鸛鵒之爭厲發壯士之憤氣原注鸛鵒爭壯士怒若鼓吹曲名忽疑胡鴈叫於寒郊胡沙蔽於天地其始也若伐木丁丁響連青冥喧禽萬族聲應崖谷其繼也狼羊鬬角奔兕相觸轉石振於崩溪燎野焚於寒竹其終也如風飄暫息萬籟皆肅天地霽而雷霆收川波靜而魚龍伏昔我往矣子衿青青我今來思突而弁兮諒昔人之多感觀移柳而興悵惜歲年之易往歎親好之常睽於是勉其成人再命迭作念所思而不見慨悲翁之蕭索原注所思悲翁曲名音豈殊於今昔情自有於哀樂乃知孔將比於鳴蛙陸反思於喉鶴彼衰退於憂傷並榮華之昭灼

白芙蓉賦并序 再至江南作

李衛公會昌一品集 別集卷一

一七三

金陵城西池有白芙蓉。素尊盈尺。皎如霜雪。江南梅雨麥秋後。風景甚清。漾舟綠潭。不覺陰暑。與嘉客泛玩。終夕忘疲。古人惟賦紅蓮。未有斯作。因以抒思。庶得其彷彿焉。

朱明夕霽。佳木凝陰。蘭未歇其秀色。鳥尚流其好音。泛回塘兮清景暮。環修渚兮碧流深。誠有感於逝節。思更新於賞心。是時繁葉已繁。瓊英始發。搖瑞彩於波上。挺纖莖於蘋末。忽疑巨嶼。一作神淵。暫觀其明月。復似處子。映松遙觀。其冰雪煥爛。宿於長河。耀良玉於方折。點白露於霞。散飛鴻於林樾。余乃鼓枻。入澄源。源注。楚詞曰。楚人呼池潭中曰源。度柳杞一作杞。柳越蘭。徘徊容與。放志遺榮。近汀洲而菱密。出逕徑而潭平。飛鷺起。鸕鶿振水珠而灑。動波紋而抗莖。傳羽厄而適性。合金絲而寫情。管度風而音遠。歌臨流而轉清。既而稍憩。一作出川。陰暫遊。外極望瀟瀟。靜無夕霽。又如遊女解珮於漢曲。宓妃採蓮一作芝於瀟湘。舒蕙藻以爲席。倚立荷以爲蓋。發巧笑之芬芳。感嘉期之來會。嗟夫楚澤之中。無蓮不紅。惟斯華以素爲絢。猶美人以禮防躬。銀輝光而流燭。玉精氣而舒虹。雖有貴其符采。且未匹其華容。由是南國之姝。以爲麗觀。延華頸於沼沚。曳羅裙於磯岸。且謂降元實於瑤池。徒靈根於天漢。恨霄路兮永絕。與時芳兮共玩。聽高柳之早蟬。悲此歲之過半。彼妍姿之昭灼。待風雨而消散。乃爲歌曰。秋水闊兮秋露濃。盛華落兮歎芙蓉。舊花繁兮君不識。萍實丹兮君不逢。想佳人兮密靜處。顏如玉兮無冶容。

重臺芙蓉賦并序 再至江南作

吳興郡南白蘋亭。有重臺芙蓉。本生於長城章后舊居之側。移植蘋洲。至今滋茂。余頃歲徙根於金陵桂亭。奇秀芬芳。非世間之物。因爲此賦。以代美人託意焉。

昔柳惲爲吳興太守。顧座客而歎曰。遊汀洲以採蘋。憶瀟湘之故人。悲白日之已晚。惜青春之不返。且欲拾遺蕪於桂山。折瑤華於蘭畹。客乃稱曰。彼有清川。爰生瑞蓮。紅葩煒燁。而隱隱翠葉小。而田田。原注。此花大於常蓮。而葉小於常荷。願得薦佳名於君子。悅麗色於當年。於是繼蘭皋。泛淪漣。吟朱鸞於蓮一作蘭。管鳴鶴於瑟。臨瀟瀟以遠望。歎華豔之何鮮。是日際海澄廓。微風不起。涵麗景於碧淵。爛朝霞於清沚。鮮膚秀穎。攢立叢倚。疑西子之顏酡。自館娃而反止。遠以意之。若珠闕玲瓏。映映翠葉。玉女之光色。抗霓旌以相從。迫而察之。若桂裳重複。鬱攢丹谷。思江妃之窈窕。發紅羅之紛郁。附其映蘭芷。出蘋萍。掩菱蕤之衆色。挺嫋嫋之修莖。滋清露以擢秀。流鮮飈而發精。雖草木之無情。亦獨立而傾城。若乃行潦既收。秋光始靜。見涼野之夕陰。懷回塘之餘景。思摘芳以贈遠。更臨流而引領。翡翠失其輝鮮。珠璣奪其光穎。惟斯物之特麗。宜獨秀於寥天。在靈境而何降。居下澤而何偏。有繁華而不實。嗟淑類而莫傳。念莊姜之無子。非巧笑之未妍。彼天意之所屬。諒難得而知焉。原注。此花無實。徒根又不三數年。故人問罕有。乃爲歌曰。吳山秀兮煙景媚。因淑女兮感斯瑞。蓮雖多兮無厥類。蘭徒芳兮何足貴。人已去兮代不留。獨含情兮託茲地。

山鳳凰賦并序

李衛公會昌一品集 別集卷一

仰山在郡之坤隅。高松翳景。名聲所集。有麗鳥殊色。原注。殊色。出應瑞鸞賦。文如綉綉。邑人呼爲山鳳凰。愛其毛羽。重於身命。雖遭矰繳。終不奮飛。比夫雄雞斷尾。則殊知異心矣。余感而賦之。以貽親友。

懿靈山之岑寂。寶珍禽之可依。何文章之英麗。信羽族之所稀。混赤霄而一色。與白日而增輝。煥若玉女。纖密。凌丹壑兮遊翠微。振桂裳兮垂組綬。騰鸞駕兮曳鸞旗。榮若天桃。發兮山已春。朝霞爛兮露欲晞。或飲於澗。或集於磯。棲美蕙之綠采。掩虹霓之夕霏。既而銜網高懸。虞人合圍。身挂纖繳。足履駭機。畏采毛之摧落。不凌厲而奮飛。乃知玉之敗也。以致其瓊弁翠之焚也。猶襲其寶衣。何異夫懷祿耽寵。樂而忘歸。玩軒冕而不去。惜印綬而無時。嗟乎乘君子之器。與茲鳥而同讎。

孔雀尾賦并序

故人以孔雀見遺。死於中途。將命者提挈原注。一本作。攜空籠與羣尾皆至。余憫而爲賦。感君子之嘉會。意未忘於所知。攜珍禽以贈余。諒有貴乎羽儀。去舊國之岑寂。歷三湘之嶮巖。念未飛之衆難。懷獨宿之羈雌。忽哀鳴而望絕。途委翼而長辭。異黃鵠之高翔。揭空籠而載馳。想綵羽而不見。親修尾而增悲。蘭色半鬱。金華陸離。垂之兮疑拖綠。整原注。音展。後名。舉之兮如飛翠。綵。嗟絃冕之寄身。與鐵關而一概。雖暫榮而可樂。終以飾而買害。况復德輅如毛。而祥舉。福輕乎羽。而莫載。何必負斯尾之翹翹。習長途而效愛。

智囊賦并序

余嘗感漢兒。魏桓。皆號爲智囊。不能全身。竟罹大患。揚子稱或問多以智殺身。雄對曰。臯陶以其智爲帝。箕子以其智爲王。陳洪範。殺身者遠矣。余久欲賦之。比周逾紀。總戎。願言不暇。今侯罪江徵。傍徨歲深。管篋之中。典籍皆闕。聊以所記古今興敗。相成此賦。

夫天之清氣爲人。而人之清氣爲智。苟虛心而冲用。必窮神而索至。况恬養以保身。豈憂患之能累。何興敗之相詭。乃躁靜而殊致。或明遠而無疵。或馳驚而役思。故由於彼而入聖門。出於此而爭利器。若乃淡然元默。應變無方。輟隨和而不耀。匣干越而寶藏。雖不止如炙輶。猶淵然如括囊。君子所以有斯號者。蓋欲保無咎於末光。夫智可以養生。乃能周物。道無夷險。用有工拙。得於身也。祭以免而苟以全。失於邦也。賊不容而湯不沒。彼前軌之昭然。曾未戒於危轍。嗟乎水濟舟以致遠。亦覆舟於畏途。智排患以解紛。亦有患於不慮。將不殆於無涯。信莫尚於冥樞。或有好學務敏。擇仁乃廬。斯先哲之所履。亦庶幾於不淪。然則大智閑閑。不嬰世故。舉始終而後人先。奔沈而預慮。或衛足之無術。故離形而盡去。呂易宗於奇貨。疾知來於武庫。雖乘勢與德中。非淑人之所務。鳴夷子喟然歎曰。昔我經世。徒聞智愛。素遺珠而不得。復明燭其焉求。與萬物而道天。又何讓於大猷。今吾所謂智者。乘五湖之浩蕩。永終老於扁舟。

積薪賦并序

此郡嚴家重復。榛林鬱盛。樵採之子。未嘗輟音。往往沿流而下。詣余求售。余因積薪於庭。竊有所歎。

李衛公會昌一品集 別集卷一

乃為積薪賦賦曰

運巖居之幽遠有楚澤之放臣方絕學以自饜誠未暇於披榛悲顏子之飯煤感萊蕪之生塵時東蘊原注一本作繼以請火訪蓬萊於善鄰乃遇樵客維舟水濱余訊之曰樵採廉業常棲隱淪詩既嘉於刈楚傳亦歎於析薪爾豈延瀨之客不取金而且貧又豈叔敖之子以好廉而苦辛何乃負擔不已其生實勤客顧余而歎曰貴則近禍富多不仁寄迹於此以養吾真善大雅之知言信芻蕘之可詢既而交加累積高下齊均蓋若井幹豈似龍鱗避沅泉而無浸先曲突以斯陳苟知防患之術終無焦爛之寶壁長篇之味道常喻此而求伸雖後來而高處亦居上而先焚使新為能言之物豈容入爨而揚芬未若生幽崖之側糾芳桂之輪不近野田之燎免罹匠者之斤冒嚴雪以終歲齊天年於大椿

敬器賦并序

癸丑歲余時在中樞丞相路公見遺敬器贈以古人之物永懷君子之心常欲報以詞賦屬力小一作少任重朝夕盡瘁固未暇於體物今者公已歿世余又放一作旋遂忽觀茲器悽然懷舊因追為此賦置公靈筵詞曰

昔周道砥平既安且甯赫赫公旦配德阿衡謂難守者成難持者盈始作茲器告於神明至仲尼憲文武之道思周公之德入太廟而觀器觀一作見道法而歎息且曰月滿而虧日中一作盈則昃彼天道而常然欲久盛而焉得乃沃水於器微一作作察要終挹彼注茲受一作授之若冲虛則斂範似君子之困蒙中則端平若君子之中庸既滿則跌霆流電發器如砥礪水若河決非神鼎之自盈異衡樽之不竭蓋欲表人道之隆替明百事之有節然茲器也不以中而自藏不以跌而自傷其過也如彼薄蝕其更也浸發輝光得其道者居則念於豐節動乃思於謙受顏既復而不遠惠屢黜而何咎知任重之必及悟物盈之難久雖神道之無形常參然於前後昔與君子同秉國鈞公得之為賢相余失之為放臣觀遺物之猶在懷舊好而悲辛思欲克己以復禮永報德於仁人

蚺蜥賦并序

此郡多蚺蜥余所居臨流實繁其類或聚於衽席或入於盤盂終日厭苦而不知可禦之術因戲為此賦令穉子煜和之

惟江潭之下國况幽居於澤畔何蚺蜥之微物亦有徒而凌亂或泮散於經笥或蜚緣於食案余乃戲而問之曰爾能居厚地而薄山阿無乃處吾身而為大患蜥不能言辭以意宜其旨曰我稟形於造化亦一氣之所甄齊濟齊師之乏亦聞德之損觀封穴而知雨驗寸壤而得泉出以時而不息故學者得而稱焉戴粒而遊若巨鼉之冠神岳繞磨而行若日月之麗清天若乃依垓綠壁淫淫奕奕其聚無聲其行無迹值晏溫而出遊當祁寒而入隙迅雷作而不駭微雨灑而自適生雖瑣細亦有行藏止若羣羊之聚進如旅鴈之翔乘其便也雖鱗鱗而可制無其勢也雖蛭蟻而不傷今願悔過戒於垣牆豈同青蠅之點白汗君子之衣裳

振鷺賦并序

此郡帶江緣嶺野竹成林每向夕有白鷺羣飛集於林杪余所居在峯岑之上臨眺一川翫其往來有以自適因為此賦

日之夕矣川陸載陰有羣飛之振鷺顧儔匹而弄音始遵渚以亂下若濤起於清潯俄矯翼以歸來疑散集於平林爾其遊止有度不徐不疾散雪彩於江煙皎霜容於寒日映楓葉而暫見入蘆花而還失歎美羽之翩翩感余生之憂懷若乃不為鵲退常與鴻冥乍回合兮如練忽寥落兮如星墮汀葭之靡靡樓岸竹之青青又似素旄施陳於曠野白筆森於廣庭悲夫綠篠枝弱巢非所據既蕭瑟而多風亦扶疏而受露豈不知陵澤可宿荆榛易固惡下流而不居恐搏獸之當路逮乎天清潦收獨立漣漪意態閒暇羽毛穆穆或暫往而得遊鱗或終夕而守空陵隱青沙以延佇若田父之輟耨重曰振鷺于飛于彼滄洲聊自適於暇曠本無心於去留思有客於微子愧植羽於宛邱信茲禽之可玩何必從海上之羣鷗

李衛公會昌一品集別集卷二

問泉途賦并序

袁州作

問泉途思沈侯也原注沈侯傳師也余與沈侯同侍禁林俱守藩翰出入光寵垂二十年君性樂山水尤好絲竹良辰美景不廢賞心常歎人世險難多言可畏固未得盡其所懷也昔尚子平稱吾已知富不如貧貴不如賤未知存亡何如耳陶靖節亦稱人生實難生如之何今作賦以問之

昔我與子同升玉堂同先帝之英盼被霄漢之輝光君登駕於長沙余建旆於朱方且欲極山水之臨泛盡人生之樂康謝既好於絲竹陶亦閒於壺觴雖爵服之已貴何憂思之未忘寶瑟獨奏於門庭玉顏不畜一作出於洞房今則逝矣前榮可傷於是託意宵夢久而乃寐問冥昧於故人求神道之髣髴或曰生特在於行樂死何用於虛謚或言惟名之不振非苦節而安致彼終古之茫茫竟斯言之誰是又曰君有瑤席尚可陳兮君有清香尚可焚兮昔之豔姬復得見兮昔之哀歌復得聞兮誰為朋友展戲謔兮豈有樽酒接殷勤兮余聞神之清者上為列星德之粹者復為賢人萬化轉續如在銘鈞或壽或夭或鄙或仁亦受氣於蠻貊仍託形於介鱗獨識人沒於泉下不得同於物化懷君子之素風方俟命於吳穹無乃困武叔而見宏石迫無極而值充躬有明龍而害正有懷尚之蔽忠苟不罹於此患固無傷於道躬傷年賦并序 袁州作

余茲年五十。久嬰沈痾。楚澤卑溼。杳無歸期。恐田園將蕪。不遂懸車之適。乃爲此賦。
五十已至。生涯可知。在安樂而猶歎。况形神之支離。傷壽有賈生之痛。招魂無宋玉之詞。遠故園之寥遠。念歸途之未期。顧穉子而悵惻。想田廬而涕洟。有客戾止。問我何悲。仲尼晚而喜。邵毅老而敦詩。原注。國語公問元帥於趙衰。對曰。師數可行。年五十矣。守學彌篤。苟朝聞於聖道。雖年往而未衰。余乃對曰。心之憂矣。子豈知之。嗟世路之險隘。矧驚駘之已疲。法先哲以行止。經險阻而勿違。陽息駕於折坂。思保身於不危。文飛轉於峭道。若遺風。一作大風。而載馳。幸回車之未晚。與此路而長辭。嗟乎。元必有悔。益難久持。李耽龍而忘返。豈黃犬之可思。種嬰患而且一作乃。瘳滄波而莫追。雋畏勢一作畏。形勢而自引。非羈羅之所羈。宜見險而高舉。顧軒冕其如道。雖高華之難企。在哲人之所爲。何必求季主以盡性。訪詹尹而決疑。商有山兮。遂迤。從園公兮。採芝。湘有水兮。連漪。繼漁父兮。維絲。既已覺於今是。豈追遠於路歧。

懷鵲賦并序 袁州作

荆楚多飛鵲。余所居在岑壑之中。蓋茲鳥族類所託。不足歎其蕃也。天寶末。章郇公謫守新春。時李鄴公亦以處士放逐。管中夜同宴。屢聞鵲音。鄴公執爵流涕歎曰。長沙下國。鄴公曰。此鳥之聲。人以爲惡。以好音聽之。則無足悲矣。請飲酒。不聞鵲音者。浮以大白。坐客皆企其聲。終夕不厭。余因其夜鳴不已。感前賢亦罹其患。乃爲此賦。

我樂遐深。幽居北岑。積杉松之翠。藏窗簾之清陰。風氣常合。類陽易沈。何飛鵲之茂族。盡棲息乎繁林。余以修短委命。行藏縱心。既無情於忌。非有歎於巢。初未嘗張羅於叢薄。射宿於川澤。誠不忍於思矣。惟載懷於草音。嗟夫。天地之間。禽有萬類。彼鵲一作鵲。鳳之靈姿。故特翼於間。氣標靜素於鴻鵠。賦妍華於孔雀。獨茲鳥之可傷。每一美而自底。或曰。人之所處。不宜來萃。故聞其音而凄慘。觀其貌而愕眙。由是翔集無所。摧頹逼威。晝戢翼於蒙籠。夜相鳴而悲思。余乃歎曰。天有定命。聖不能知。彼冥數之未兆。非畏之而可移。鳥集牙而戰勝。施入筥而福綏。一作復。綏造化默以潛運。倚伏難以預祈。一作期。况乎愛子及室。恩斯勤斯。齊萬物以遂性。豈美惡而異宜。至人入鳥而不亂。至治層巢而不窺。我若不容於深谷。使其伏竄而何之。

觀釣賦并序 袁州作

余所居在江流之上。每值清景。必杖策獨遊。見蘆人漁子。則樂而忘返。莊生稱。執釣澤。樂開鱖。釣魚閑處。此江湖之士。避世之人也。班嗣亦稱。漁釣一壑。則萬物不好其志。是知古之賢人。皆樂於此。彼之垂釣者。未可量焉。因爲觀釣賦。

臨江泉以四望。愛春水以悠悠。赴滄海以東會。引清湘而北流。原注。此水北流。想臨夷而可觀。冀漁父之出遊。將欲訪行止於二子。永棲遲於一邱。徘徊春渚。忽值釣舟。奏小海之悲曲。發阿激之權謳。觀其垂綸。川上。或縱或收。悟直鉞之莫致。原注。直鉞。楚詞。察芳餌之自求。追感夫子。遑遑歲暮。鱗風不來。弦歌誰慰。客有皓髮。愕而招路。問孔氏之何治。獨危真而未悟。悲聞道之已晚。乃引舟而遠去。子淑聽其擊音。季授

級而不顧。逮乎屈平既放。飄爾南征。不汎汎以隨波。或皎皎而揭清。漁父歎其遠俗。大夫甘其徇名。遂鼓柁而孤往。猶放歌乎濯纓。若乃川霧始收。秋光向夕。蘭露滋而風清。竹煙散而潭碧。映微月於瀾灩。嚮哀猿於巖壁。喜良夜而不歸。更鳴榔而遠適。或有略小務大。逸乎難量。任公期年而釣鼈。呂望何時而得璜。且夫一竿之說。所貴不網。九罟未具。雖希鱗魴。顧余情之無欲。彼大小而皆忘。雖餌食而不取。思寄適於深梁。

斑竹一本有筆字。管賦并序 袁州作

余寓居郊外精舍。有湘中守贈以斑竹筆管。奇彩爛然。愛玩不足。因爲小賦以報之。
山合谷兮。瀟湘曲。水滌浚兮。出幽谷。緣層嶺兮。茂奇篠。夾澄瀾兮。聳修竹。鷓鴣起兮。鉤輞。白猿悲兮。斷續。實瑤璣兮。來鳳。根連延兮。倚鹿。往者二妃。不從。獨處茲岑。望蒼梧兮。日遠。撫瑤琴兮。怨深。灑思淚兮。珠已盡。染翠莖兮。苦更侵。何精誠之感物。遂散漫於幽林。爰有良牧。採之巖址。表貞節於苦寒。見虛心於君子。始哉一作採。截以成管。因天資而具美。疑貝錦之濯波。似餘霞之散綺。自我放逐。塊然巖中。泰初憂而絕筆。殷浩默而書空。忽有客以贈鯉。遂起予以雕蟲。念楚人之所賦。實周詩之變風。昔漢代方侈。增其炳煥。綴明珠以爲押。飾文犀以爲玩。原注。傳子曰。漢末。一筆之押。犀以黃金飾。以和璧。以隨珠。綴以翡翠。此筆非文犀之飾。必象牙之管也。徒有貴於繁華。竟何資於藻翰。曾不知擇美於江潭。訪奇於湘岸。况乃形管有煥。列於詩人。周得之以操履。張得之以書紳。維茲物之日用。與造化之齊均。方資此以終老。永躬耕於典墳。

柳柏賦并序 袁州作

夫受天地之正者。惟松柏而已。故聖人稱其有心。美其後彫。豈無他木。莫可儔匹。予嘗歎柏之爲物。真苦有餘。而姿華不足。徒植於精舍。列於幽庭。不得處園池之中。與松竹相映。獨此郡有柳柏。風姿濯濯。宛若芙蓉。楊而冒霜。停雪。四時不改。斯得謂之具美矣。惜其生而遐遠。人罕知之。偶爲此賦。以貽親友。

惟天地之生物。均覆載而不私。雖草木之殊性。皆榮落之有時。感松柏兮。一作之。得真。一作自得。經隆冬而乃知。常集散於窮節。終秉心而不移。觀夫竹嫋娟以挺秀。松英茂以含滋。可蔭蔚於臺榭。故封植於園池。嗟綠柏之貞苦。爰自託於幽崖。或森森於寒壘。或肅肅於江一作神。祠。何炎微之僻陋。或珍木而在茲。齊翁蔚於蘭若。儼芬芳一作貞。美於桂枝。遠而象之。登餘參差。疑翠旌之陸離。迫而玩之。布葉低垂。若羽一作孔。蓋之葳蕤。又似翠列。巢以羣棲。鸞鶴翼而來儀。含輕煙於夕景。泣零露於朝曦。待一作逢。秋實之繁衍。綴青珠以疊疊。嗟乎。材不可備。人亦如斯。子張之容雖盛。柳惠之貞則虧。有長孺之正色。無思曼之風姿。歎此物之具美。以幽深而見遺。非欲企瓊林於塵外。方玉樹於前輝。望舊國兮。無際。思故人兮。未期。曾不得倚樹而一作也。樹。泛瑤瑟。攀條而獻蘭芝。慨路遠而莫致。抑毫端而孔悲。願謂穉子。煇起爲謠。曰。楚山側兮。湘水源。美斯柏兮。託幽根。條總翠兮。冬轉茂。實垂珠兮。秋始繁。彼變化兮。不測。焉知非張緒之

知之者誰氏，惟人代兮去不留。嗟雙劍兮焉可求。

望匡廬賦并序

北歸作

滄湖口北望匡廬二山，影入澄潭，峯連清漢，江水無際，煙景相鮮。沿流而東，若在世表，因懷遠公陸先生，慨然成賦。

春水湖平，霽天景旭，眇赴海之清瀾，映干霄之翠嶽。波鱗爛而勢微，帆鴈引而相續。輕煙冒於鐘峯，若香散於空谷。飛流灑於星灣，疑虹飲於竹曲。想遠公之平昔，比孟綽之不欲。談精義於松間，原注：東林寺有遠公與殷仲堪談易於松猶在。寄虛懷於巖足，喜濯纓而旋返。悲負鼎而放逐，恥隨屈賈之波。不同宗雷之躡，整襟帶於瑤席。望元師於林麓，原注：余受法於茅山，元師則傳法祖師也。徒珮紫青之書，未脫朱丹之殼。感明主之嘉惠，荷天地之覆育。既復扶陽之爵，又剖專城之竹。被金組於薄躬，昭皇明於荒服。豹文忽變，蔚然以姿。蟬緩更新，條然而脫。雖澡身於滄浪，終有媿於玷辱。念大福兮不再來，歸東臬兮供黍粟。

大孤山賦并序

北歸作

余剖符淮甸，道出蠡澤，屬江天清霽，千里無波。點大孤於中流，昇旭日於匡阜。不因左官，豈遂斯遊。謝康樂尤好山水，嘗居此地，竟闕詞賦。其故何哉？彼孤嶼亂流，非可倚匹。因為小賦，以寄友朋。

川瀆蟻道，人心所惡。必有穹石，禦其橫驚。勢莫壯於瀝瀝，氣莫雄於砥柱。惟大孤之角立，掩二山而磔豎。高標九派之衝，以捍百川之注。眈若虎視，勦如龍據。靡搖巨浪，神明之所扶。不倚羣山，上元之所固。彼逖邇而何多，信崑崙而有數。念前世之獨立，知君子之難遇。如介石者，莫楊橫流者，李杜觀其側，秀靈草旁挺奇樹，甯變梓匠之斤，豈有樵人之路。想江妃之乍遊，疑水仙之或駐。嗟瀛洲與方丈，蓋髣髴如煙霧。據神龜而繞旋，逐風濤而沿沂。未若根連坤軸，終古而長存。迹寄夜川，負之而不丟。雖恩叟之復生，焉能移其咫尺。

項王亭賦并序

北歸作

丙辰歲孟夏，余息駕烏江，晨登荒亭，曠然遠覽，因觀太尉清河公刻石，美項氏之材，歎其屈於天命。且曰：漢祖困阨之時，生計非蕭張所出，余以為不然矣。自古聰明神武之主，未嘗不應天順人，以定大業。項氏縱火咸陽，失秦中之固，遷主炎裔，傷義士之心，遠天遠人，霸業墜矣。漢晉反是，故能成功。據秦遺業，東制區夏，數敗於外，常有關中，為舊主縞素，以義動天下。雖項氏猶存，而王業基矣。若乃蛟屈鴻門，龍潛天漢，始降志於一人，終申威於四海，則蕭張之計，不亦遠乎。余嘗論之，漢祖猶龍，項氏如虎，龍雖困而虎不測，虎雖雄而力易摧。一神一驚，宜乎竟絕。然龍舟不渡，留驂報德，亦可謂知命矣。自湯武以干戈創業，後之英雄莫高項氏，咸其伏劍此地，因作賦以弔之。

登彼高原，徘徊始曙，尚識鱗舟之尾，焉知繫馬之樹。望牛渚以慨然，歎烏江之不渡。想山川之未改，嗟斯人之何遄。思項氏之入關，按秦圖而割據，恃八千之剋疾，棄百二之險固。咸陽不留，王業已去。將衣錦於舊國，遂揚旌而東顧。雖未至於陰陵，誰不知其失路。恥沐猴之醜醜，乃烹韓而洩怒。謂天命之可欺，何霸

王之不寐，嗟乎！楚聲既合，漢圍已布。歌既闕而甚悲，酒盈樽而不御。當其盛也，天下侯伯，自我而宰制。及其衰也，帳中美人，寄命而無處。李數遁而不亡，羽一敗而終仆。豈非獨任於威力，不由於智慮，追昔四隲之下，風煙燔燔，大咤雷奮，重瞳電注，叱漢千騎，如獵狐兔。謝亭長而依然，愧父兄兮不渡。既伏劍而已矣，彼羣帥兮猶懼，雖霸業之無成，亦終古而獨步。周視陳迹，緬然如素。蘼喬木之悲風，感高秋之零露。因獻弔於茲亭，庶神靈之可遇。

李衛公會昌一品集別集卷三

雨中自秘書省訪王三侍御知早入朝，便入集賢侍御任集賢校書及升柏臺，又與秘閣相對同院。張學士亦余特厚，故以詩贈之。

共憐獨鶴青霞姿，瀛洲故山歸已遲。仁者焉能放鷺鷥，飛舞自合追長離。梧桐迴齊鵲鵲觀，煙雨塵拂蛟龍旗。鴻鴈衡鵠去不盡，寒聲晚下天泉池。願我逢萊靜無事，玉牌寶書藏衆瑞。青編盡以一作，只汲冢來科斗皆從魯室至。金門待詔何道遙，名儒早問張子僑。王褒軼材晚始入，宮女已能傳洞簫。應令柏臺長對戶，別來相望獨寥寥。

奉和太原張尚書一作相公山亭書懷

巖石在朱戶，風泉當翠樓。始知峴亭賞，難與清暉留。餘景淡將夕，凝嵐輕欲收。東山有歸志，方接赤松遊。奉和韋侍御陪相公遊開義五言六韻

羊公遺勝概，茲地暫逍遙。風景同南嶠，丹青見北朝。石渠清夏氣，高樹激鮮飈。念法珍禽集，開經醉象調。偶分甘露味，偏覺衆香饒。原注：便食僧飯故云。爲問昆城一作田內，餘薰幾日銷。

贈圓明上人原注：圓公佛頂之尊。

遠公說易長松下，龍樹雙經海藏中。今日導師開佛慧，始知前路化成一作城，空。

誠信不虛發。神明宜爾臨。淵流自此回。咫尺焉能侵。逮我守東郡。悽然懷所欽。雖非識君面。自謂知君心。意氣苟相合。神明無古今。登城見遺廟。日夕空悲吟。

陽給事

宋氏遠家一作江左。豺狼滿中州。陽君守滑臺。終古垂英猷。數仞城既毀。萬夫心莫留。跳身入飛鏃。免胄臨霜矛。畢命在旗下。偃戶橫道周。義風激河汴。壯氣淪山邱。嗟爾抱忠烈。古來誰與儔。就烹感漢使。捉節悲陽秋。顏子紹清操。鏗然如素瑋。徘徊望故壘。尙想精魂遊。

秋日登郡樓望贊皇山感而成詠

昔人懷井邑。爲有挂冠旗。一本此字誤。願我飄蓬者。長隨泛梗移。越吟因病感。潘鬢入秋悲。北指邯鄲道。應無歸去期。

雨後靜望河西連山愴然成詠

宿雨初收晚吹繁。秋光極目自銷魂。煙山北下歸遼海。鴻鴈南飛出薊門。只恨無功書史籍。豈悲臨老事戎軒。惟懷藥餌衰病爲惜餘年報主恩。

秋日美晴郡樓閑眺寄荆南張書記

高檻涼風起。清川旭景開。秋聲向野去。爽氣自山來。霄外鴻初返。簷前燕已歸。不因煙雨夕。何處夢陽臺。

故人寄茶

劍外九華英。緘題下玉京。開時微月上。碾處亂泉聲。半夜遶壇至。孤吟對竹烹。碧流霞脚碎。香泛乳花輕。六腑睡神去。數朝詩思清。其餘不敢費。留伴讀原注一作肘書行。

李衛公會昌一品集別集卷四

奉送相公十八丈鎮揚州一作和王播遊故居感舊

千騎風生大旆舒。春江重到武侯廬。共懸龜印銜新綬。同憶鱸庭訪舊居。取履橋邊啼鳥換。釣璫溪畔落花一作鷓鴣。一作野花疏。今來卻笑臨邛客。入蜀空馳使者車。

題劍門

奇峰百仞懸清眺。出嵐煙。迴若戈回日。高疑劍倚天。參差霞壁聳。合沓翠屏連。想是三刀夢。森然在目前。

漢州月夕遊房太尉一作房公西湖

丞相鳴琴地。何年閉一作題玉徽。原注房公以好琴聞於四海。偶因明月夕。重敞故樓扉。桃柳鑿空在。芙蓉暫依原注南史安陸侯與王仲寶長史庾杲之書。稱泛潒水。侯美其麗也。誰一作惟憐濟川楫。長與夜舟歸。

重題

晚日臨寒渚。微風發棹謳。風池波自闊。一作聞魚水連難留。亭古思宏棟。川長憶夜一作濟舟。想公高世志。祇似冶一作化城遊。

房公舊竹亭聞琴絃慕風流神期如在一作對因重題此作

李衛公會昌一品集 別集卷四

李衛公會昌一品集別集卷五

諫敬宗接訪道士疏

臣聞道之高者莫若廣成元元人之聖者莫若軒皇孔子昔軒皇問廣成子理身之要何以長久廣成子云無視無聽抱神以靜形將自正神將自清無勞子形無搖子精乃可長生慎守其一以處其和故我修身千二百歲矣吾形未嘗衰又云得吾道者上為皇而下為王元元語孔子云去子之驕氣與多欲態色與淫志是皆無益於子之身吾所告子者是已故軒皇發謂天之數孔子與猶龍之感前聖之道不其至乎伏惟文武大聖廣孝皇帝陛下稽元祖之訓修軒皇之術凝神開館物色異人將以觀冰雪之姿屈順風之請恭惟聖德必降真僊若使廣成元元混迹而至語陛下之道授陛下之言以臣度思無出於此臣所慮赴召者必怪迂之士苟合之徒使物淖冰以為小術術術離邪僻蔽欺聰明如文成五利無一可驗臣所以三年之內四奉詔書未嘗以一人塞詔實有所懼臣又聞前代帝王雖好方士未有服其藥者故漢書稱黃金可成以為飲食器則益壽又高宗朝劉道合元宗朝孫僊生皆成黃金二祖俱不敢服蓋以宗朝社稷之重不可輕易此事炳然具載國史以臣微見僊陛下容虛精求必致真隱惟問保和之術不求藥餌之功縱使必成黃金止可充於玩好則九廟靈鑒必當慰悅寰海兆庶誰不歡心臣思罄愚衷以神元化輒陳懇款伏積兢惶

李衛公會昌一品集 別集卷五

1107

李衛公會昌一品集 別集卷五

1108

駙馬不許至要官私第狀

臣伏見國朝故事駙馬緣是親密並不合與朝廷要官往來元宗開元中禁止尤切臣訪聞近日駙馬公至宰相及要官私第此輩無他才技可以延接惟是漏洩禁密交通中外羣情所知以為甚弊其朝官素是難流則不妨來往若職在清列豈可知開伏望宣示宰相其駙馬諸親自今以後有公事任至中書見宰相此外更不得至宰相及臺省要官宅

代高平公進書畫狀

鍾張衛索真蹟各一卷二王真蹟各五卷晉魏宋齊梁陳隋真蹟各一卷顧陸張鄭田楊董洎國朝名畫各一卷

伏以前代帝王多求道逸朝觀夕覽取鑒於斯陛下容聖欽明凝情好古聽政之暇將以怡神前件書畫歷代共寶是稱珍絕其陸探微蕭史圖妙冠一時名居上品所希睿鑒別賜省覽

進元宗馬射圖狀

伏以元宗皇帝天縱神武藝冠前王凡所政遊必存繪事豈止雲夢殢兒楚人美旌蓋之雄潯陽射蛟漢史稱軸轡之盛前件圖臣瞻奉光靈素所寶惜陛下旁求珍迹以備石渠祖宗之美敢不呈獻

奏銀妝具狀

臣有生多幸獲遇昌期受寄名藩每憂曠職孜孜夙夜上報國恩數年以來災旱相繼罄竭微慮粗免流亡物力之間尚未完復臣伏準今年三月初三日敕文常貢之外不令進獻此則陛下至聖至明細微洞照一恐聚斂之吏緣以成奸彫瘵之人不勝其弊上宏儉約之德下敷惻憫之仁萬國華訕鼓舞未息昨奉五月二十三日詔書令訪茅山真隱將欲師處謙守約之道敦務實去華之美雖無人上塞丹詔實率士已偃元風豈止微臣獨懷忭賀况進獻之事臣子之常心雖有敕文不許亦合竭力上貢惟臣當道素號富饒近年以來比舊則異貞元中李錡任觀察使日職兼鹽鐵百姓除實出權酒錢外更置官帖兩重納權獲利至厚又訪聞當時進奉亦兼用鹽鐵羨餘貢獻繁多自後莫及至薛平任觀察使時又奏置權酒上供之外頗有餘財軍用之間實為優足自元和十四年七月三日敕卻停權酒又準元和十五年五月七日敕文諸州羨餘不令送使惟有留使錢五十萬貫支用猶欠十三萬貫不足須自諸事節用百計補填經費之中未免懸闕至於綾紗等物猶是本州所出易於方圓金銀不出常州皆須外處回市去年二月中奉宣令進進子計用銀九千四百餘兩其時貯備都無二三百兩乃諸頭收市此時亦稍優饒悉力上供幸免取闕昨又奉宣令進進其二十件計用銀二萬三千兩金一百三十兩尋令併合聖節進奉金銀造成兩具進納訖今差人於淮南收買旋到旋造星夜不輟竭力營求深憂不迫臣若因循不奏則負陛下任使之恩若分外誅求又累陛下慈儉之德伏乞陛下覽前件權酒及諸州羨餘之目則知臣軍用短闕本末有由伏料陛下見臣論奏必賜詳悉知臣竭愛君守官之節盡納忠懇罄直之心伏乞聖慈宣令宰臣商議何以遣臣得上不違宣旨下不闕軍儲不因疲人不招物議前後詔敕並可遵承輒冒宸

李衛公會昌一品集 別集卷五

1109

嚴。敢陳丹懇。無任戰汗之至。

奏繚綾狀

臣昨緣宣索已具軍資歲計及近年物力聞奏。伏料聖慈。必垂省覽。又奉詔旨。令織定羅紗袍段及可幅繡綾綾等一千匹。伏讀詔書。倍增惶灼。臣伏見太宗朝臺使至涼州。見名鷹。諷李大亮令獻之。大亮密表陳誠。太宗賜詔報云。有臣如此。朕原注。一本有復字。何愛再三嘉歎。事載史書。又元宗令中使於江南採如鴝諸鳥。汴州刺史倪若水抗表陳論。元宗亦賜詔嘉納。其鳥即時皆放。又令皇甫詢於益州織半臂背子。琵琶鐙撥。牙合子等。蘇頌不奉詔書。輒自停織。元宗皆不加罪。忻納所陳。臣竊以爲鴝鵒鑲牙。至爲微細。若水等尙以勞人損德。濫歛效忠。當聖祖之朝。有臣如此。豈明王之代。獨無其人。蓋有位者蔽而不言。必非陛下拒而不納。又伏觀四月二十三日德音云。侯伯有位之士。無或棄予。謂不可諫。其有違道傷理。徇欲懷安。面刺廷爭。無有隱諱。則是容納善道。增光祖宗。不盡忠規。過在臣下。况元鵠天馬。狗豹盤條。文彩珍奇。只合聖躬自服。今所織千匹。費用至多。臣愚亦所未曉。昔漢文衣弋絺之衣。元帝罷輕織之服。仁德慈儉。至今稱之。伏乞陛下近覽太宗。元宗之審納。遠思文帝。孝元之恭己。以臣前表。宣示羣臣。酌當道物力所宜。更賜節減。則海隅蒼生。無不受賜。臣不任惶惕懇誠之至。

亳州聖水狀

臣訪聞此水。本因妖僧誑惑。狡計巧錢。數月以來。江南之人。奔走塞路。每三十家都雇一人取水。擬取之時。病者斷食輩血。既飲之後。又二七日蔬食。危疾之人。俟之病愈。其水斗價三千。原注。本傳作水斗三十千。而取者益之他水。沿路轉以市人。老病飲之。多至危篤。昨點兩浙福建。百姓渡江者。日三五千人。臣於崧山已加捉搦。若不絕其根本。終恐無益。黎甿昔吳時有聖水。宋齊有聖火。事皆妖妄。古人所非。乞下本道觀察。使令狐楚。速令填塞。以絕妖源。

王智興度僧尼狀

王智興於所屬泗州置僧尼戒壇。自去冬於江淮以南。所在懸榜招置。江淮自元和二年後。不敢私度。聞泗州有壇。戶有三丁。必令一丁落髮。意欲規避王術。影庇資產。自正月以來。落髮者無慮數萬。臣令於崧山渡點其過者。一日一百餘人。勘問惟十四人是舊人沙彌。餘是蘇常百姓。亦無本州文憑。尋已勒還本貫。訪聞泗州置壇次第。凡髡夫到者。人納二緡。給牒即回。別無法事。若不特行禁止。比至誕節。計江淮以南。失卻六十萬丁壯。此事非細。繫於朝廷法度。下聞。

李衛公會昌一品集別集卷六

與桂州鄭中丞書

某當先聖御極。再參樞務。兩度冊文。及宣懿太后耐廟制。聖容贊。幽州紀聖功碑。討回紇制。討劉稹制。五度點夏斯書。兩度用兵詔敕。及先聖改名制。告昊天上帝文。并奏議等。勒成十五卷。貞觀初。有顏岑二中書。代宗朝。常相。元和初。某先太師忠懿公。一代盛事。皆所潤色。小子詞業淺近。獲繼家聲。武宗一朝。冊命典譚。軍機羽檄。皆受命撰述。偶副聖情。伏恐製序之時。要知此意。伏惟詳悉。謹狀。

與姚諫議邵書三首

問冬極寒。伏惟諫議十五郎尊體。動止萬福。即日某悲緒外蒙差趙押衙至。奉示問。不任悚荷。無由拜伏。倍積瞻戀。謹因使回。奉狀不次。閏十二月二十八日。從表文崖州司戶參軍。同正李某狀上。天地窮人。物情所棄。無復音書。平生舊知。無復弔問。閱老至仁念舊。盛德矜孤。再降專人。遠遞溟漲。兼賜衣服。器物。茶藥。至多。楮木。暫榮。寒灰稍暖。開誠感切。涕咽難勝。大海之中。無人拯卹。資儲蕩盡。家事一空。百口嗷然。往往絕食。塊獨窮悴。終日苦飢。惟恨垂歿之年。頓作餓死之鬼。自十月末得疾。伏枕七旬。屬續者數四。藥物陳哀。又無醫人。委命信天。幸而自活。羸癯至甚。生意方微。自料此生。無由再望旌榮。臨紙涕戀。不勝遠誠。病後多書。不得。伏惟恕察。謹狀。

伏蒙又賜口篋。不任感戴。東都日所惠本留洛中。無人檢得。兼以道路艱阻。二年來不曾有人至洛。以此前狀請。倍深惶悚。小生百歲更改三五字。不欲南本流傳。今謹錄新本獻上。舊本伏望封還。如不能遠寄。伏惟必賜焚卻。下情切望。趙總管知廣州時。多此月下方至此。伏惟照察。謹狀。

唐故左神策軍中尉兼左街功德使知內侍省事劉公神道碑銘

宸極正位。運四時者璇璣太微。屏分兩垣者上將。其或道兼文武。勳著旂常。稟慈立之神姿。蘊泉淳之深識。存也出忠入孝。愛敬同歸。歿也灑澤滂泉。始終一貫。求之前古。不亦難哉。公諱宏規。前京兆雲陽人也。派流其遠。其組相承。炳煥周邦。光揚史牒。曾祖恩。官止同州白水縣令。祖信。終於漢中郡折衝都尉。父英。皇左武衛中郎將。歷階勳至游擊將軍。上柱國。皆積前緒。踐履夷途。或明恕而行。俾人歸厚。或強毅以立。顧敵必摧。不顯當時。宜生達者。公十有五。乃應選用。沖和之美。暢茂於四肢。喜愠之來。不塵於絕境。亦猶龍鱗片玉。嶧陽孤桐。生稟異姿。終成重器。始署雲騎尉。賜緋。累遷內侍省內僕寺丞。密侍赤墀。飛聲禁植。操不逾於規矩。抗志已在於丹青。無何。丁郎將薨。直奏服喪。杖而後起。不辭王事。是謂從權。俄授徵事郎內侍省府局令。屬劉闢逆命。禁旅徂征。護河隴。梟騎之鋒。平井絡。鳴張之虜。始以義擊。俄焉凱歸。由是有輕車都尉之授。旋又將命撫循。自靈州以屆於邊。犒軍五城。勤役萬里。懋乃休績。簡於天心。加銀印赤紱之賜。充天威軍使。奉詔蠻方。再安懷俗。假使扶義。有叱馭之風。感激捐軀。忘玷齋之旨。恩禮浹洽。要荒宴如。尋自委官局丞。擢翰林院使。仙署重深。天顏咫尺。才臣之啓沃。廣容若之聰明。公學富邱墳。智參神化。協機贊命。發揮王猷。故事藹然。內廷繫賴。爰加內侍伯貳副軍中尉。副左街功德之任。紫艾龜印之寵。以昭其庸。武旅旄纛之師。實爲之佐。檢校司空王公。諱之授。銀河東也。改內給事。爲之護軍。以金蘭之契。睦於元帥。以泉海之量。接於賓僚。三軍煦愛。日之和。列郡肅清。風之德。泊振武失守。主將遁逃。朝廷軫憂。慮邊患。因命尙書張煦。節制是邦。詔公領步騎五千。爲之聲援。公內連秘計。外示開安。詭以巡邊。掩其無備。長驅猛銳。深入壘門。乃以宣勞之名。俾其少長皆會。然後擒執魁首。置之典刑。戮三百餘人。圍城股慄。昔武安之阮趙卒。莫辨幽冤。韓信之下井。匪徒聞疾。闕未若公德。刑具舉。威惠皆宣。乘駟上開。班師舊鎮。司徒既歿。承乏總戎。而高平公奕葉相門。一時盛德。與公虛舟相待。朱瑟諧音。淡然而成。去如始至。尋又奉詔巡邊。以觀軍實。北至鉤注。東達飛狐。道里曲折。不遺於掌握。兵機奇正。盡在於襟靈。士懷挾纊之恩。人感投醪之醉。壺漿塞路。幼艾爭先。爰寫山河。存於繪事。憲宗悅而嘉歎。嘗置坐隅。得李恂之圖。書乃知聚落。觀千秋之畫地。盡見山川。加朝議大夫。內侍省內常侍。復歸舊鎮。報忠勞也。上以公器能。可以居重任。機權可以參密勿。遂發中詔。俾還京師。改內飛龍使。換右神策軍副使。飛龍掌天驥之閑。古太僕之職也。禁旅總關。鎗之兵。古上卿之寄也。公或爲長。或爲副。蓋選衆而舉。惟才是擇。翌日命知樞密。公揣摩心術。練達國章。謀無不成。運有餘裕。當神武經緯之際。王師戡定之初。一日萬幾。畫常三接。忠猷隱於聞聰。嘉謀秘於宮闈。略而不書。蓋溫樹不言之義也。眞拜內常侍知內侍省事。旌其忠力。賜名宏規。宏者。光大之稱。規者。規範之謂。合此二義。表茲一心。俄而溜青于紀。兵集淮海。以公累議戎事。尤達武經。出

爲淮南監軍。委以攻討。鳴鐘鼓以問罪。運籌策以出奇。方厲志於戈矛。遽纏哀於風樹。抱終身之痛。自達神明。當赴難之辰。敢避金革。起復甯遠將軍。依前充監軍使。元惡既殲。復掌樞密。憲宗遇几大漸。召公受遺。穆宗膺圖御宇。繫公定策。捧日而昇黃道。翼龍而上赤霄。名節功勳。光昭圖史。遷忠武將軍。內侍省少監。賜上柱國。進雲麾將軍。服闋。授銀青光祿大夫。監門衛將軍。知內侍省事。封彭城縣開國子。累封沛國公。食邑三千戶。賜以長戟。列之朱門。守約鳴謙。不有其貴。屬幽鎮首禍。趙魏挺災。公內竭謀猷。定指蹤之計。外緝機務。當政賦之源。慮不及私。居嘗慎獨。懸水鏡而情無隱伏。持天衡而心靡重輕。然如山以鎮。羣動。逮長慶季歲。穆皇疾已彌留。公志使神明。心存王室。請立先后。以爲副君。雪涕抗詞。首陳大計。舉觴進酒。衆議皆從。延年離席而社稷已安。趙喜橫階而尊卑乃定。惟公方之。諒無慚德。公以名遂身退。舉能進善。人之高躅也。乃推同志。固繁機。遷左監門衛上將軍。知省事。復爲河東監軍使。拜泣玉墀。龍錫金帶。雖魏后深恩。授劉稹之部。落吳君密渥。賜陸遜之金環。煥赫輝榮。莫逾於此。穆宗厭代。先后薨明。公懇請會朝。旋奉命詔。拜特進行右武衛上將軍。公以子牟之戀。常懷魏闕。汲黯之志。惟在漢廷。懇辭北轅。上不罷。尋除內宅使。鴻臚卿。資等使。前代特進。位次三公。居驃騎儀同之上。非茂勳俊德。曷以處之。遷左神策軍中尉兼左街功德使。漢氏京師有南北軍之屯。武帝既平百粵。內增七校。今之中尉。實司其任。公說禮敦詩。深知將帥之體。安人和衆。實有經武之材。以清淨禮縉黃。以慈惠親戎旅。西方之教。不肅而成。北落之衛。隱然難犯。吐論必援於經史。耽玩惟志於圖書。遇物而涇渭自分。立誠而風雨如晦。權雖倖於衛霍。主意益親。寵雖盛於金張。人心咸悅。非全才曷度。豈能臻於此歟。公志氣方強。春秋甚富。將欲揚旂瀚海。耀武龍庭。展報國之壯圖。恢致君之遠略。勞而生疾。懇請辭榮。天子憂呂蒙之未復。委景丹之臥鎮。近臣挾醫而請至。中使賜藥以交馳。心徒傾於太陽。命已迫於朝露。酒血懷感。啓手歸全。以十一月二十八日薨於長安。來運里第。享年五十二。遺表獻名馬。雕鞍寶器。犀帶。臣子之戀。不其至乎。敬宗當宁流標。廢朝三日。贈開府儀同三司。贈絹一千匹。布四百端。錢三千貫。上擬三台之耀。下管九泉之榮。禮命所加。冠於當代。朝廷領臣。聞必與歎。和壘故校。相視潸然。昔李將軍之殂。人皆流涕。以其信結於士大夫。公近之矣。况公瞑目之後。曾未經旬。變起林光。災禍霄極。則知日碑已歿。何羅之覆。遂成。許褚既終。徐地之妖莫遏。惟公峰巒聳拔。挺秀色於晴霞。律呂含和。流清音於大廈。志必存於經濟。量莫揭其冲深。思若湧泉。智如炙輠。決勝千里。通知四夷。察情僞之端。達幾微之際。故天子虛己以聽。詢謀允諧。道不取於苟容。言必歸於中正。居平而博厚。泛愛臨事而威嚴。立名體征虜之奉公。得亞夫之守節。公之掌樞也。屬穆皇寢疾。逾年。公之總戎也。屬敬宗朝廷多事。公協和將相。安靖邦家。勳草不搖。喬松自直。傳稱公家之利。知無不爲。忠也。送往事居。俱無忤色。也。惟公有之矣。惜乎未及中壽。俄歸香冥。景已戢於虞泉。名空留於簡冊。可不悲哉。夫人密國夫人李氏。懿行蘭薰。貞風玉瑩。榮封石窰。寵章全德。直體茂於宗朝。洵美光於內則。悲聲哭哭。痛結泉扉。有子五人。長曰行立。朝散大夫。內侍省宮闈局令。上柱國彭城郡開國伯。賜緋魚袋。次曰行深。中散大夫。內侍省給事。賜紫金魚袋。次曰行元。下有闕文。賜綠。次曰行先。朝散大夫。內府局丞。

上柱國。下有明文。次曰行。下有明文。咸以珪璧之姿。漢身文固。鴻鵠之志。矯翼禁林。朱紫連華。閨門雍睦。忠出於孝。負五龍之俊才。襲過乎哀。有二連之深威。粵以太和元年十一月十四日。即幽寢於滄川之西。禮也。青鳥啓兆。悲龍樹之長陰。白鶴臨一作。凌風。嗟弔賓之遐返。永圖不結。乃篆貞珉。銘曰。皇王聖化。仰法星樞。始自絲忽。風行八區。誰參其任。公實帝命。出吐君命。入贊臣謀。其。一。惟后建邦。外分藩岳。則淮。漢。雄。惟。朔。漢。誰。護。其。軍。公。多。智。略。恢。瀚。既。富。王。猷。允。若。其。二。漢。家。宮。室。上。應。太。微。布。列。環。衛。恢。張。武。威。誰。司。其。柄。公。達。戎。機。英。王。流。眄。忠。賢。是。依。其。三。內。外。之。寄。安。危。所。注。惟。公。全。德。乃。暢。機。務。美。璧。良。珪。瑞。質。凝。素。霜。戟。寶。刀。森。然。輝。庫。其。四。天。挺。奇。志。貞。若。渾。金。出。入。三。紀。賢。明。一。心。寒。松。在。巖。霜。霰。甯。侵。皇。澤。之。厚。川。流。比。深。其。五。趙。孟。惕。景。光。音。遂。遠。長。卿。病。瘠。藥。石。皆。晚。靈。芝。難。駐。奇。香。莫。返。光。碎。珠。泉。芳。消。蘭。畹。其。六。幽。簿。詔。葬。城。闕。之。東。列。旌。旗。於。素。蓬。凝。簫。挽。於。朔。風。落。鐵。槊。之。霜。葉。叫。離。離。之。晚。鴻。時。一。往。今。丹。壑。近。魂。歸。來。兮。松。柏。中。其。七。

唐故開府儀同三司行右領軍衛上將軍致仕上柱國扶風馬公神道碑銘

夫壘坻長松。必備明堂之制。荆岑璞玉。終爲大國之寶。士或起漁釣而遭時會。亦有披荆榛而贊王業。求之古昔。何代無賢。太和六年。開府儀同三司右領軍衛上將軍致仕上柱國岐山公實封三百戶扶風馬公。以侯印罷歸。至開成六年九月四日。薨於永嘉里第。享年六十三。詔贈揚州大都督。明年二月八日。以幽輿鼓吹。葬於京兆灊陵之原。馬公卽國之盡忠衛主之臣也。公諱存亮。字季明。大父璉。皇銀青光祿大夫。考操。皇朝議郎。房州長史。公之先祖趙奢。嘗以百萬勁兵。號爲馬服。制秦吞魏。因而氏焉。厥後文武派分。英華不絕。武則伸威百蠻。鏖鏘而表海。文則研道六經。施帳而授業。公繼前業。蔚爲茂器。終始一貫。貞明六朝。德宗時。弱冠筮仕。風儀夙成。帝欲分給李之勢。翼皇儲之重。於是暫離武帳。出侍龍樓。贊蘭英結珎之聲。規桐葉剪圭之戲。此則史冊之保護也。帝欲秩出納之司。糾梯航之貢。於是副宏羊而實天庫。佐安國而神水衡。此又孔僅之方略也。帝欲具飾車旗。宣明衣服。公於是典其僚采。重立規模。疊煙霞以散王侯。卷虹霓而給妃后。卿竊施彰於五輅。日華搖裔於九旂。此又叔孫通之文物也。帝欲順時巡以察風俗。先品實以奉園陵。公於是廣靈囿以樹農功。采蘋宮以列珍饌。法后稷播種之道。遏耆夫捷給之詞。此又卜式之理上林也。帝欲昆夷卽序。士馬無譁。公於是秩視玉鈴。榮加金鈿。以奇謀而協上將。以忠懇而暢皇猷。尺籍伍符之勳。訓馬簡士之要。雖程功於衛霍。終歸美於程李。此又許歷之副趙奢也。元和十三年。公自神策軍副使。詔受雲麾將軍左監門衛將軍知內侍省事兼左街功德使。公於是金湯天壘。雷電皇威。斥遊惰於五營。取材能於七萃。備牙爪則數逾十萬。竭心膂則必九遷。龍驤虎豹之師。鸞鶴魚麗之訓。文茵貝冑之盛。羽葆靈旂之飾。率元會則雪霜委積於殿廷。侍郊丘則錦綉施張於原野。公珪璋挺器。禮樂資身。簪下無睡毗之徒。轅門多溫恭之士。知呂蒙於行陣。重郤縠於詩書。皆代名卿。咸授趙衰之舉。漢朝武略。多由去病之門。此又方召之佐宣王也。敬宗時。宮掖無虞。蜂蟻暴起。塵驚玉座。熊突形闌。良緩以難扶當衝。侍臣以藥養捍患。宸慮未經於細柳。天行俄及於紫臺。何羅之聲始萌。日磾之心已動。公

於是覽義皇之轡。駐豐隆之馭。關闕壁而納。日。開獸落而留六龍。指揮殄寇之兵。調停太官之膳。羣兇既成於京觀。庶官方及於乘輿。公乃率元甲而清紫微。奉翠華而入黃道。此又耿弇安君父。清妖孽也。於是真食井賦。紀功旂常。文錦玉帶。綢繆華錫。公辭榮畏滿。名遂身退。坐樽俎而監淮海。衛瑾之忠勤也。馳軺車而款天闕。子牟之誠戀也。捐龍綬而授松櫟。楊王孫之達命也。歸鄉里而散金帛。蘇季子之行義也。慶忌嫉邪之心。萬石周慎之志。保貞廉而碎首。惡讒慝而亡身。思患視滌河之初。知機見履霜之漸。士君子所以推公之明識也。公始能淮南監軍使。詔除內飛龍使。在再一紀。劬勞六閭。朝習華輦。暮巡棧杪。無竊轡詭衡之患。遂翹足交頸之安。粹精爽於北辰。播芳烈於來代。旋以股肱近地。河關要津。爰輟信臣。再監戎旅。繡衣查行於阡陌。金組暮奠於松楸。爲子爲臣。忠孝備矣。既而以疾告老。乞還京師。累表抗辭。留中未下。天子眷懷舊舊。注意貞良。久而乃從。不奪其志。此又終始之大節。古今之至人。長慶初。某忝職內廷。獲視公之儀表。玉山峻嶺。瓊樹高柯。霍子孟賢性端莊。進有常處。張子儒小心畏忌。每遠權勢。御札盈几。天香滿衣。騁八駿而幸元洲。捧六鈞而禮青兕。勳名光焯。當代莫儔。夫人岐國夫人王氏。寶劍早沈於清渭。珠光先闕於黃泉。嗣子璉林使朝議大夫行內侍省。奚官局令上柱國扶風郡開國公食邑二千戶襲重封一百五十戶賜紫金魚袋元某。夙稟英才。早聞詩禮。守公法度。以紹家風。次子幽州監軍使朝議大夫行內侍省。內僕局令上柱國賜緋魚袋元某。朝議大夫奚官局令上柱國賜緋魚袋元某。儒林郎守內侍省。內府局丞上柱國元某。金貂相映。朱紫交輝。鳳毛歸美於一門。驥足肯期於萬里。以某知公故事。見託斯文。刻石路隅。庶紀佳績。俾後代知天子開鼓鼙而億名將。歷丹青而思老臣。乃爲銘曰。明堂巍巍。天闕前施。木帝乘馬。是能星馳。鳴騶闕二字。車馬是司。趙秦同出。後有闕二字。馬服生趙。闕四字。戰國更霸。迭相盛衰。趙困長平。秦始開基。劉累遠孫。翦秦無遺。劉卽范氏。累乃龍帥。厥派縣縣。尋源乃知貞元年中。公侍丹墀。一善及物。知無不爲。進退諄諄。行無越思。明明六聖。信任不疑。赫赫貞臣。顛危必持。理身清淨。成國雍熙。實本兵柄。左右皇威。內訓七萃。十萃如雛。外邊百蠻。百蠻以綏。冬有愛日。人心所歸。疾風勁草。與論欽之。始去禁衛。萬夫涕洟。逮總天庥。六閭允釐。盡瘁事國。形神久疲。監視諸侯。琴書自怡。金印組綬。去之若遺。陶得潘園。優游在斯。長慶六年。詔樹豐碑。上將刻字。文以好辭。後十六年。憲臣其姿。原阡松楸。分霜露已滋。苑池臺榭。分榛蕪可悲。視塵根兮空嗟蔓草。篆貞珉兮攸婉色絲。

李衛公會昌一品集別集卷七

掌書記廳壁記

續漢書百官志稱三公及大將軍皆有記室。主上表章報書記。雖列於上宰之庭。然本爲從軍之職。故揚雄稱軍旅之際。飛書馳檄用枚舉。非夫天機殊捷。學源游發。含思而九流委輸。揮毫而萬象駭奔。如庖丁提刀爲之滿志。師文鼓瑟。效不可窮。則不能稱是職也。昔安豐侯資融還京師。光武問曰。所上表章。誰與參之。融曰。皆從事班彪所爲。及資憲貴寵。班固傳毅之徒。皆置之戎幕。以典文章。憲郎文章之盛。冠於當代。魏氏以陳琳阮瑀管記室。自東漢以後。文才高名之士。未有不由於是選。其簡才之用。亦金馬石渠之亞。况河東精甲十萬。提封千里。半雜胡胡。遙制邊朔。惟師旅之威容。爲列藩之儀表。典茲羽檄。代有英髦。聞者吳少微。富嘉謨。王翰。孫逖。咸有制作。存於是邦。其所不知。蓋闕如也。暨太尉臨淮王總節制之師。德裕叔父管與斯職。尋以才識英妙。肅宗召拜監察御史。厥後僕射高貞公。今河陽節度令狐公。以人文掌宸翰。國子司業鄭公。給事河南尹杜公。以才華登貴仕。繼斯躅者。不亦盛歟。丙申歲。丞相高平公始自樞衡以膺謀帥。以右拾遺杜君爲主記。明主惜其忠規。復指舊職。尋參內庭視草之列。次用殿中侍御史崔君。德裕獲接崔君之後。文學空虛。才術莫逮。繼清庠於吾祖。挹芬烈於前賢。先是廡廊之下。有豐碑紀其名氏而不書職。今再刊斯記於本署西垣。以高平公統戎爲始。元和十四年四月十一日記。

李衛公會昌一品集

別集卷七

二二二

重寫前益州五長史真記

益州草堂寺原注成都記云。在府西七里。去浣花亭三里。列畫前長史一十四人。原注。節度職不帶尹則帶長史。非今實佐也。代稱絕筆。余嘗於數公子孫之家。獲見圖狀。乃知草堂續事。靡不造真者。昔巖野旁求。徒聞畫像。稽山高懸。惟止銘金。孰若記之丹青。妙盡神照。楚國祠廟。魯王宮室。洎此邦文翁舊館。皆圖歷代卿相。粲然可觀。雖有慕於前良。曾莫究於形似。豈與夫年代已遠。遺像猶存。入虛室而煙霞暫披。拂浮埃而瑤林斯親。余以精舍甚古。貌像將傾。乃選其功德尤盛者五人。模於郡之廳所。追惟二漢。臺閣皆有圖寫。黃霸于定國之流。雖宰相名臣。不得在畫像之列。卓子康德行君子而在功臣之右。今之所取。意在斯乎。既新光靈可想。儼若神對。吾將與歸。因敘其事。詔諸來者。太和四年閏十二月十八日。西川劍南節度副大使知節度事銀青光祿大夫檢校兵部尚書兼成都尹御史大夫贊皇縣開國伯李德裕記。

懷松樓記

懷松。思解組也。元和庚子歲。予獲在內庭。同僚九人。丞弼者五。數十年間。零落將盡。今所存者。惟三川守李公而已。原注。已改者。西川杜公。武昌元公。中書韋公。鎮海路公。吏部沈公。左丞陳公。舍人李公。泊太和己丑歲。復接舊老。同升台階。或繼歎止與。已協白雞之夢。或未聞稅駕。遽有黃太之悲。向之榮華。可以悽愴。况余憂傷所侵。疲薺多病。常帶北叟之福。豈忘東山之歸。此地舊隱曲軒。傍施埤垠。竹樹陰合。鶯檻連鶯。喧雀所依。涼颿罕至。余盡去危堞。敞爲虛樓。翦榛木而始見前山。除密篠而近對嘉樹。原注。施事前有。大辛夷樹。亦爲草木所蔽。延清輝於月觀。留愛景於寒榮。晨憩宵遊。皆有殊致。周視原野。永懷松嶺。肇此佳名。且符夙尚。盡庚公不淺之意。寫仲宣極望之心。貽於後賢。斯乃無愧。丙辰歲丙辰月銀青光祿大夫守潯州刺史李德裕記。

元真子漁歌記

德裕頃在內廷。伏龍憲宗皇帝寫真。求訪元真子漁歌。歎不能致。余世與元真子有舊。早聞其名。又感明主賞異愛才。見思如此。每夢想遺蹟。今乃獲之。如遇良寶。於戲漁父。賢而名隱。夷智而功高。未若元真隱而名彰。顯而無事。不窮不達。其嚴光之比歟。處二子之間。誠有裕矣。長慶三年甲寅歲夏四月辛未日。潤州刺史兼御史大夫李德裕記。

祭唐叔文

維元和十二年歲次丁酉。六月己未朔。二十一日己卯。河東節度使檢校吏部尚書平章事張宏靖。敢昭告於唐叔之靈。惟神姬母發祥。手文爲信。登徒林之兒。以啓夏墟。受密須之鼓。以驅戎索。豈止削桐無戲。歸不有典。宜在昔蕃育與周盛衰。况式瞻西山神靈是宅。每延煙夜簇。嵐氣朝隨。必膚寸而合。油然以徧。蓄泄在我。神宜主之。屬淮南爲災。秦盛將廢。是用率茲祀典。以榮閭宮。伏願降福。蒸人。撤茲陰沴。俾三農有望。萬庾斯豐。永儲饗牲。以答神貺。尚鑒。

余元和十三年記戎幕時。因晉祠止雨。太保高平公命余爲此文。嘗對諸從事稱賞。以爲徵唐叔故事。追

李衛公會昌一品集

別集卷七

二二五

無道漏今過尚書博陵公移鎮北都。輒敢寄題廟宇。會昌四年三月十五日司徒兼門下侍郎平章事李德裕。

祭章和執誼文

維大中四年月日趙郡李德裕謹以疏體之奠敬祭於故相章公僕射之靈嗚呼皇道咸濟藉於賢相德邁皋陶功宣呂尚文學世雄智謀神呪一遭讒疾投身荒瘴地雖厚兮不察天雖高兮難諒野撥凋瘵晨薦相恩信成禍深業崇身喪某亦竄跡南陬從公舊邸永泯軒裳之願長爲猿鶴之愁嗟吁絕域瘴瘴西周儻知公者測公無罪不知我者謂我何求其心若水其死若休臨風敬弔願與神遊嗚呼尚饗

李衛公會昌一品集別集卷八

丹宸箴并序

臣聞詩云心乎愛矣遐不謂矣此古之賢人所以爲於事君者也夫跡疏而言親者危地遠而意忠者忤然臣竊念拔自先聖偏荷寵光若不愛君以忠則是上負靈鑒臣頃事先朝屬多陰沴嘗獻大明賦以諷頤蒙先朝嘉納臣今日盡節明主亦猶是心昔張敞之守遠郡梅福之在遐徼尙竭誠盡規不避尤悔况臣嘗學舊史頗知官箴雖在疏遠猶思獻替謹稽首上丹宸六箴具列於後仰塵睿鑒伏積兢惶

一宵衣箴

先王聽政味爽以俟雞鳴既盈日出而視伯禹大聖寸陰爲貴光武至仁反支不忌無俾姜后猶去簪珥形管記言克念前志

二正服箴

聖人作服法象可觀雖在晏遊尙不懷安汲黯莊色能正不冠楊阜毅原注一作慨然亦譏繹執四時所御各有其官非此勿服惟辟所難

三罷獻箴

漢文罷獻詔還歸國變轅徐驅安用千里厥後令王亦能恭己翟裘既焚簡布則毀道德爲麗慈愍爲美不過天道斯爲至理

四納誨箴

惟后納誨以求厥中從善如流乃能成功漢蕭沈湍舉白浮鍾魏叡侈汰凌霄作宮忠雖不忤而善亦從以規爲損是謂塞聰

五辨邪箴

居上處深在察微萌雖有譏謚不能蔽明漢之孝昭叡過周成上書知詐照姦得情燕蓋既折王猷治平百代之後乃流淑聲

六防微箴

天子之孝敬遵王度安必思危乃無遺慮亂臣猖獗非可遽數元黃莫辨觸瑟始仆柏谷微行豺豕塞路觀貌獻殯斯可誠懼

舌箴并序

戊辰歲仲春月戊申夜余宿於洞庭西夢與中書令姚公偶坐如舊相識問余曰君見僕所作口箴乎余對曰去歲居守東周於公曾孫諫議某處觀金石之刻遂莞爾而笑曰孫子猶能記之余以仲夏月達於海曲嘗竊思之聖哲之言上可以動天地成典謨次可以正人倫明得失默而不言後代何述焉繁辭云不善則千里之外達之在慎其所言而已矣豈必緘其口銘其背以矯當世哉揚子稱就有書不由筆言不由舌張儀以舌存而交亂亦不善之效也余感姚公之夢乃爲舌箴云

粵有帝舜泊於股肱龍命惟允原注舜命九官自禹至龍允以龍出納朕命故曰龍命說言乃雅原注殷高宗夢傳說其代子言故曰說言周有良弼王之喉舌鼓舞而至渙汗乃發傳以言從作又易以講習施悅天以卷舌屏譏儒以金口聖說伯陽之誠柔存剛缺言貴無瑕辯貴若訥則知門猶是閉囊不在括是以揚雄悼諛者之冤梅福痛忠臣之結善乎先聖之言既明且清國以之甯人之不朽犯無隱情無特爾言駟馬不追嗟爾君子念茲在茲勿以一言而取宰相以舌三寸而爲帝師徒見裴敬掠而獲爵不知魏其黜以可悲雖言必有中而適其時子房能用其策難以爭立愛奉善建不拔無以免係衛武警夫莫捫叔向哀於是出惟敬仲之難明由匠石之無質揚子曰重則有瀦輕則招憂言能如是可以寡尤聖祖院石磐銘

鹿跡山銘

有美浮石湯若銅音笙等合奏鸞鷟在林清越盈耳和愉感心懸之玉宇永託儔岑不動者山不死者仙山在仙存真訣不傳猶歟先生耽道體元騰駕素鹿遊遊紫煙時憩蓬壺下視桑田一往茲山於今幾年茲山岑寂先生是宅清泉綠蘿獨與世隔我居洞宮人見崖壁空留鹿跡永存幽石

劍門銘